

漢陰縣志

重修漢陰志叙

余甲子春受古金州之漢陰皇輿  
記云土瘠民貧爲最下下區噫昔  
人云沃土之人不材獨奈何以不  
材如我而蒞此瘠地耶雖然親民  
之任莫切於令長導

朝廷之澤以被於下求黎庶之瘼以聞  
於朝私謂蕞爾山城而繭絲保障  
之界寧不凜然於是束裝就道踰  
固關渡滹沱經華岳歷終南之險  
履雲棧之危沐風櫛雨加以長途  
靈雨馬蹄蹙蹙意思頓覺無聊比

入境荒涼萬狀更甚於所聞因自  
念百里生民之寄敢作秦越人視  
哉由是夙夜焦勞廣諮利弊三載  
以來民困漸蘇民力漸舒起廢補  
墜已次第舉行嗟嗟吏治至今□  
亦云極難矣恃有

各憲皆實以聖賢之心行聖賢之政  
正已率下時時以忠君愛民之道  
殷勤誥誡鵠面災黎余得藉以培  
養不可謂非遭逢之幸也今我  
皇上審四方之俗觀疆土之宜纂修一  
統全志曰亟欽承爲事稽諸原志

自故明崇禎壬午臨城張君重修  
距今已四十餘載舊籍散失原板  
毀燼人事之代謝戶口之凋殘不  
知凡幾昔之人文全盛士大夫宣  
猷植節爲銓衡重地者有人伐鼓  
建幟爲藝壇雅望者有人邇且奚

若昔之俗尚樸實物阜民安浸且  
逆變流離併戶併甲百不存一誠  
爲關南極苦之地近沐

皇仁普育蠲荒免課屢邀曠典顧異量  
恩波又豈數數覲耶是以寥寥子  
遺稍有起色在昔孔子歎杞宋之

無徵而曰吾志在春秋志固已事  
之書實未事之鑑媿余才暗識踈  
操刀學割修廢之事實爲殷然所  
恃邑之紳若衿廣諮博採群聚增  
修積有百日新志於焉告成嗚呼  
志書僅簡帙耳使敷政無人不其

開卷躍然掩卷淒然目此書爲夢  
境哉雖然按圖索驥不可謂非後  
起者之功臣也是爲序

康熙丁卯年壬子月上浣日文林郎  
知漢陰縣事三韓趙世震鼓萬

氏撰

漢陰縣志

序

五



序

往丙辰夏余橐筆行間隨圖公四征不  
庭次第平復關南悉成寧宇公曰念予  
書記微勞授予漢陰一毡甫蒞任時但  
見學宮鞠爲茂草衙舍頽然數間而是  
日之士若民殆不可問曩時之盛與衰  
亦無從考詢舊志則板悉燼牘悉散矣

令茲土者方焦心拮据而修輯何遑及  
此其間或以飛章免或以讀禮歸或以  
代庖數月而去其不得爲之計久遠也  
寧惟一志及甲子一元之始襄平  
趙公出宰是邑而士民聞報輒喜皆以  
公世以清白傳家必有大裨此邑也而  
予且以爲可必而不可必必視其視事

後而始可知也比下車初而合境士民  
相望而愈喜皆以 公英邁明敏洵大  
有裨於此邑也而余又以爲不可必而  
可必亦必候其歷久而始無疑也迄今  
三載有餘美政多端百廢俱興清操不  
渝猶如一日余知 公之始終可喜矣  
夫復何疑卽如余忝司鐸學宮則喜其

煥然聿新衙舍則喜其肅然宏敞而子  
衿則喜其翕然沐化由此推之 公之  
次第修葺爲斯邑計久遠者寧惟一志  
而志其政成餘事也閱今日之志山若  
爲之增高川若爲之增秀物阜民安而  
風俗若爲之增美余八載寒毡不能越  
賤而頌第就余之被澤於芹宮者如此



儒學訓導朝那白爾珍毓生氏撰



漢陰縣志



序

八

初修漢陰縣志序

邑有志猶家有譜也志爲一邑之典籍  
譜爲一家之典籍家無譜則上而祖禰  
遠而高曾俱無所考其潛德幽光流風  
遺韻子姓雲初何由而知家且然而况  
於國乎漢陰爲邑江漢效靈鳳山呈秀  
毓爲人物可考而知者如古之丈人抱

德弗耀而高出世表者固衆第以典籍  
不存而名實泯於後者亦多矣至今江  
山如昨風氣日開而又當我朝文明之  
運教化薰蒸之久岩穴衡茅之間宜其  
賢才挺生偉人迭出何寥寥百年中竟  
乏人何歟昔子謂子賤君子哉若人魯  
無君子者斯焉取斯詩曰高山仰止景

行行止子曰夏禮吾能言之杞不足徵也又曰文獻不足故也足則吾能徵之矣是知人才之興盛故在山川鍾秀氣運隆盛使文獻不存則後人何以挹幽香企遺躅而興起百世之下乎文獻不存爲風化之所關係者豈細故哉曰留心采輯博訪有年以今日可知可考者

編輯成志用備一邑之典籍其用心亦大矣漢陰□邑也山川如彼其高深歷世如彼其久遠矧時際熙洽而氣運隆矣邑志旣成而典籍備矣爲今之人莫不感動奮發興起善端由友一鄉一國天下之善士而又尙友古人思齊往哲將見忠臣烈士孝子順孫義夫節婦建

事業於當時播聲光於後世皆願收名  
是志者殆不絕書矣然則是志之成有  
裨於風化多矣較之家有譜而有所法  
於後不亦重且大乎

成化庚子知漢陰縣事益州張大綸撰

重修漢陰志叙

余不穀奉簡書守漢以南竊儀茲土  
虞風未鑿召澤未稿搢搢迂叟猶有抱  
甕而憇蔽芾之殘蔭也者庶得藉手以  
報命暨閱許守興乘再閱張令漢乘  
因嘆四塞西南興屬腹心漢屬枝幹腹  
王幹不張乎幹萎腹不憊乎調俞跗之

方矻疋羸醒迷郵豈異人任且漢治通  
蜀楚年來陽侯作崇萑苻肆螫赤子方  
嗷嗷待哺而催檄旁午復業未黔突而  
箕斂盈閭勦撫未成算而搖鋒者巧肆  
雌黃卽龔黃卓魯能鳴琴理解繩治閉  
閣撤垣以示無他耶張令邑志之新微  
徒補闕漏訂魚豕踵南史勒一家言其

有苦心乎冀當軸者憐爾子遺原爾拙  
政以度幾晉陽之保障乎余卒業欣然  
曰嗟爾令余何以益爾念生平得力惟  
拙之一字拙之盟衷自畫粥已然故拙  
宰河東晉民孚拙守版曹同朝和拙  
督會計軍民戢今仍以拙仗節撫關南  
與二三守令從事倘亦諒余拙乎拙者

巧之反也當今之所迂而乎旦之所安  
神明之所許也張令勉旃以爾拙補守  
之拙守令效余拙補余之拙利鈍譽譽  
一切不問惟蘄上不負國下不負民  
中不負所學而成就天地間一大拙關  
南其有濟淳古或可挽哉是義也余志  
也壽曄之所不及載郡邑之所不及修

者嗟爾令余曷以益爾

進士第撫治漢興兼管糧餉驛傳分守

關南道汝陽吳愈撰

重修漢陰志叙

余於乙亥年佐淮陽郡丁丑九月署□  
西華接邸報叨轉漢陰令戊寅春束□  
就道親友有謂余者傳聞邑已殘破此  
行亦何迫耶余曰臣子縮半通綸東西  
南北惟所使之况授以百里地值多故  
之時畏此簡書乃決意叱馭歷太行之

峻坂濟黃河之洪濤經華岳之名山越  
終南之險境羊腸鳥道百折千迴舍陸  
登舟備嘗艱阻乃抵關南及蒞任環城  
四望公署民房較舊日基址僅存十分  
之一瓦礫蓬蒿痛心慘目士民寓山中  
者驚魂未復裹足難前及與銓部王公  
晤談時卽以耐煩二字相勸慰曾未幾



十日忽報寇從西來余誓以必守王公復勸慰曰城中無人民城頭無墻堞既無倉庫錢糧之累又無火藥器械之儲且重此銅章爲國惜身議圖恢復未晚也強拉余赴山砦中約住月餘以七月初九日入城亟築內城砌雉堞立四城樓闢東西二門招集士民各葺舊業今

歷任五年凡創建學宮神祠公署衙門增城濬池之役皆次第舉居民房舍亦次第修氣象且一新矣先是詢問志書焚燬庚辰秋方得之興安劉上舍家屢欲修刻其如兵荒洊至日不暇給何壬午春謀之紳士倣舊志而刪潤之徵文徵獻猶有存者余實幸焉至於恢復若

衷心血皆枯鬚髮爲白勞怨固所不避  
升沉又何足言惟有日夜兢業保固封  
疆懽恤士民愈加奮勉上以答朝廷守  
土之責下以抒生平效職之忱庶乎遂  
叱馭初心入城弘願云爾耐煩二字始  
之終之比於韋弦每竊嘆曰此王公之  
所以謂余矣

崇禎壬午知漢陰縣事趙人張鵬翱書

漢陰縣志目錄

知縣三韓趙世震重脩

邑貢生汪澤延纂輯

邑貢生常永耀

曾大成

尹任

于典

王鳳朝全校

邑庠生溫上春

漢陰縣志

目錄

十八

鄭僑恭

劉參

馬掄英

梁道倬全訂

漢陰縣志目錄

輿地 卷一

星野

疆域 附形勝

沿革

山川

水利

泉洞

附池園

古蹟

風俗

建置 卷二

城池

公署 附縣治

學校

祠祀

村落 附砦

寺觀

田賦 卷三

田土 附學屯

戶口

賦役 附驛站

稅課

武備

漢陰縣志

目錄

十九

災祥 物產

官師 卷四

官師 名宦

人物 卷五

鄉賢

科目

貢監 附武

孝義


節烈

仙釋

藝文 卷六

詩類

文類




漢陰縣志











漢陰縣志卷之一

輿地

建置郡縣後分土分民歷代沿革不常河山流峙如昨仰瞻星緯俯奠民居列圖以識槩採說以盡微作輿地以備考焉

星野考春秋元命苞曰東井鬼宿分焉秦史記天官書曰東井與鬼雍州之分前漢地里志曰自井十度至柳三度鶉首之次乃秦之分與後漢律曆志同費直分井十二度至柳五度蔡邕分井十度至

漢陰縣志

卷之一

二十四

柳三度謂之鶉首秦之分野屬雍州晉天文志曰自井二十七度至鬼柳鶉火之次秦之分野唐志曰東井與鬼鶉首也歷觀紀載井鬼之分當無疑

矣占驗

井明太盛多風雨主水井正而明法度正號令明月出東井主雨太白出東井主兵

歲星守東井主兵

疆域形勝

午向

龍岡北枕鳳嶺南屏一水抱環五星端

拱而八景列焉廣一百一十里袤四百二十里東

抵興安界

六十里坦平

西抵石泉界

四十五里坦平

南抵紫陽

縣界

八十里崎嶇

北抵長安界

一百二十里崎嶇

東北抵鎮安

界一百五十里崎嶇

西南抵西鄉界

二百里崎嶇

當驛路之衝

東達鄖襄西通巴蜀不但本省差遣浩繁一因烽火塘撥往來苦累更有不忍言者是在司牧者思患而預防之

沿革禹貢荆雍之交秦楚接境周為庸國地春秋戰

國皆屬楚秦屬漢中郡漢為安陽

屬漢中

晉為寧都

縣隋書註曰舊為寧都齊置安康縣

屬魏郡

後魏置

東梁州後蕭詧改直州南齊屬安康郡隋開皇初郡廢大業初州廢改縣安康屬西城郡唐武德元

漢陰縣志

卷之一

二十五

年以縣置西安州並置寧都廣德二年改宣州貞觀元年州廢屬金州今之興安是也至德二年改為漢陰縣宋因之紹興初徙治新店元改設巡檢司至正二年復為縣明洪武三年仍為漢陰縣先屬漢中府金州嘉靖四十年巡茶梁公奏改縣徑隸於府萬曆二十三年復改屬興安歷代沿革不同縣治亦不一舊治在今石泉漢江之南以社溪院為朝賀地宋皇祐四年沒於漢水邑令公劉公相繼築之紹興初徙治新店即今治是也今仍舊治

八景

鳳山疊翠

四在縣南若列屏然古木叢森峯巒二百餘里宛然有鳳翔千仞之勢

月水環珠

月在縣南環繞縣城形如半月堪輿家稱爲玉帶云

卧龍盤護

月在縣北長眠三里許形如半月旋繞有情主山之最佳者

古洞朝陽

峭在卧龍首後長嘯崖下向東有數洞焉霞萬丈故名曰朝陽嘉靖年僧人明喜始鑿石級諸洞塑像前結茅樓洞東清泉自崖流出名曰洗心泉名人留題

日洗心泉名人留題

鼓臺仙跡

在縣南八十里峯出群山四方如此削相傳黃龍机禪師入定處吕純陽遊此聽

漢陰縣志

卷之二

二十六

師說法有詩載仙釋類事見全唐詩話補

鶴觀棋枰

在十里樓雲寺之西一里許去播鼓臺三十里各乘鶴飛去遺有石枰一局後人遂題曰乘鶴觀

乳峯雙峙

在縣東六十里兩峯突起形若雙乳真天造地設捍門萃表爲一方勝槩故乘軒過此者多留題於此

丹壁孤懸

在縣東三十里名紅崖生子壁立道側色如染丹吉水羅念菴先生未第時流覽於此手書因以爲號至今稱之

山鳳凰山

在縣南二十五里南繞漢江東西二百里餘里中有峯似鳳曰名焉

卧龍岡

在縣北蜿蜒如龍萬曆初年居民開種不惟有害北形勝且值霖雨淤泥壅塞城壕前

令袁公禁耕李公復立碑於北門下

雲門山

在縣東二十里兩峯並峙若門天將雨山巔有雲

分水嶺

在縣西三十里

林木叢茂多虎狼跡

石門

在縣西北兩山夾峙宛如一門

魚洞嶺

在縣西九十里

馬蝗山

在縣西北八十里

龍會嶺

在縣西北七十里高與鳳凰山並

天生橋

在縣北五里路通一徑如橋梁然

六面山

在縣北五十里尖山在縣北十五里

鷄公嘴

在縣北六十里峯秀如鷄頭

瘦驢嶺

在縣北九十里

箭幹山

在縣北七十里

川漢江

在鳳凰山南九十里即禹貢沔水

月河

在縣西四十里分水嶺至興安入漢

盧峪溝

在縣東八里

鐵溪溝

在縣東十里

龍王溝

在縣東南三十里

漢陰縣志

卷之二

二十七

蒲溪河

在縣東南四十里

花石河

在縣東南五十里

墩溪河

在縣西南五里

仙溪河

在縣西南十五里

板峪河

在縣正南五里

以上除漢水外

餘俱出鳳山北入月河

觀音河

在縣西北二十里

沐浴河

在縣西北十五里

青泥河

在縣正北十里

鐘河

在縣正北六十里

池龍溝

在縣東五里

添水河

在縣東北二十里

田禾溝

在縣東北五十里

雙乳河

在縣東北六十里

以上發源北

山皆南入月河

沙河

在縣西北六十里出石池河

大漲河

在縣南一百里

水利月河堰

永豐堰

墩溪堰

仙溪堰

沐浴

堰 觀音堰 池龍堰 盧峪堰 鐵溪堰

鳳亭堰 磨盤堰 蒲溪堰 花石堰 田禾堰

雙乳堰 鐘河堰 大漲堰

泉洞甘泉 在城隍廟前前 神泉 在關王廟前 涼泉

在縣東六十里暑一 碗泉 在鳳凰山南穴于岩

黃龍洞 在縣南八十里黃 黃龍洞 在縣北 黑龍洞

在縣東北一百里二洞深邃 南陽洞 在澗池

玉皇洞 在紅崖 千佛洞 在高 湘子洞 在蒲溪

園池桑棗園 在縣東 鳳凰池 俱在鳳 仙女池 鳳山頂

漢陰縣志

卷之二

二十八

天池 在漢 蓮花池 在縣東雲門舖

石蹟漢王城 在鳳凰山南漢水北岸週圍三里許漢高

城墻嶺 在漢江南五十 擂鼓臺 在縣南八十里

煉丹崖 在擂鼓臺傍離縣八 灌臺 在城東北角卽

子貢停車之地 大懸岩 在城東南十三里高人韻

風俗民皆朴實節儉勤於農不作商賈衣履布素

字陋質翁婦非禮不見伯氏於弟婦雖禮問不通

服 子率皆以字冠以二十爲

夫家

七期百日三週俱舉奠盡哀

元旦五更新潔衣冠拜天地祖先焚香楮子孫輩  
以次拜賀然後親識遞相酬拜

元宵家戶張燈火放花炮扮儼相角簫鼓滿城名  
日鬧元宵各送燈於祖先墓前

十六日長幼步郊尋野謂之遊百病

清明日設牲醴詣墳祭奠添土掛紙名曰拜掃

端午日晨起採艾懸門畢置雄黃酒彼此邀飲

六月六日五更滌甕取水以造麩合醬至午晒衣

七月七夕婦女設牛郎織女香案具祭品禮拜名

曰乞巧

中元日人設酒餚祭奠祖先 中秋夜置菓餅邀

飲名曰賞月

重陽日蒸糕餽遺登高飲酒 十月朔暮祭祖先

焚紙於門外名曰送寒衣 冬至日士大夫朝賀

畢謁官師彼此相拜民間不行 臘八日以米合

肉粿粥相餽 二十四日祭竈除日貼門神桃符

設天地祖先位陳列祭品焚香燒紙畢士大夫家

獨行辭歲禮置酒饋家人享之夜半不寐謂之守  
歲要之五方風氣不同各有懿則大抵承平之日  
四民稠密五穀豐登所謂國奢尤宜示之以儉自  
荒殘以來民無完宇節省多端至根本之地反涉  
偷薄導而協之於中以永善俗是在司教者與鄉  
賢達之責也

